



Publicaziuns officialas dils 12-03-2021

Damondas da baghegiar

Nr. 24/2021

Datum da publicaziun: 05-03-2021

Patrun: Bearth Peter e Thomas, 7172 Rabius

Liug e parcelas: Rabius-Caho sut Via; 210

Object: colurar barcuns, frestgentar fassada, alzar tschabergal da laupia e remplazzar porta dalla garascha e dus eschs dalla casa

Ils profils ein tschentai ed ils plans da construcziun ein deponi tier la canzlia commu-nala. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 12-03-2021

Cumissiun da baghegiar

Annunzias da baghegiar

All'istanza da baghegiar e sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

Nr. 10/2021

Candinas Sep Benedetg, 7175 Sumvitg, niev tetg e novas preits per suoschna dil baghetg nr. 96 sin parcella nr. 6331 a Sumvitg-Marias.

Nr. 17/2021

Herger Hans, 7175 Sumvitg, remplazzament tschabergals dallas lautgas dil baghetg nr. 64 sin parcella nr. 1709 a Sumvitg-Fontauna Sut.

Nr. 18/2021

Herger Hans, 7175 Sumvitg, adattaziun da terren sin parcella nr. 6271 a Sumvitg-Tresch.

Nr. 19/2021

Monn Martin e Yvonne, 7175 Sumvitg, sanaziun dallas lautgas e dalla ligiadira dil mir dil baghetg nr. 15 sin parcella 1622 a Sumvitg-Via Sursilvana.

Sumvitg, 12-03-2021

Cumissiun da baghegiar

Radunonza da vischnaunca

La proxima radunonza da vischnaunca ha liug gievgia, ils 25 da mars 2021 allas 20.00 uras a Sumvitg.

Gliesta da tractandas

1. Avertura e beinvegni
2. Elecziun da 2 dumbravuschs
3. Protocol dalla davosa radunonza communal dils 17-12-2020
4. Tractaziun ed approbaziun dil project sanaziun providiment d'aua Laus e concessiun dil credit brut da 495'000 francs
5. Tractaziun ed approbaziun dil project producziun ed installaziuns d'electricitad Alp Glivers e concessiun dil credit brut da 180'000 francs
6. Tractaziun dall'iniziativa "Per ina via da colligaziun tier tut ils mises dil Con"
7. Orientaziuns
8. Varia

Per la radunonza vala in obligatori da purtar mascrina. Plinavon vegn menau gliesta dils participonts.

Sumvitg, 12-03-2021

Suprastonza communal

Lenna da brisch 2021

La vischnaunca da Sumvitg offerescha a vischinas e vischins la cumpra da lenna da brisch sco suonda:

Pégn

Igniu

55.00 frs/m³

Auters loghens sin damonda.

Ils prezis secapeschan excl. taglia sin plivaleta. Cundiziuns da pagament ein 30 dis net.

Bugen offerin era lenna resgiada, fendida e transports tochen a casa.

Interessents san annunziar lur empustaziuns a scret agl Uffeci forestal Sumvitg, Via Quadras Su 10, 7175 Sumvitg, ni e-mail: uffeci.forestal@sumvitg.ch, ni per telefon (081 920 25 06). Las empustaziuns ston succeder entochen sil pli tard gievgia, igl **1. d'avrel 2021**.

Bien engraziament per Vossa empustaziun!

Sumvitg, mars 2021

Il selvicultur da revier
Flurin Cathomas

Resultat dalla elecziun communal supplementara dils 07-03-2021

Elecziun dalla cumissiun da baghegiar

Cedels dai giu: 472

Cedels vits: 13

nunvaleivels: 10

Cedels valeivels: 449

Vuschs valeivlas da candidats: 449

Berther Flurin, Rabius 357 *elegius*

Decurtins Samuel, Rabius 86 *buca elegius*

singuls 6

Sumvitg, 12-03-2020

Il biro electoral

Revisiun planisaziun locala - prolungaziun zona da planisaziun

Da present ei ella vischnaunca Sumvitg ina zona da planisaziun relaschada ils 18 da fevrer 2019 dalla suprastonza communal pertuccont la revisiun da planisaziun locala en vigur. Sebasond sin igl art. 21 dalla lescha davart la planisaziun dil territori per il cantun Grischun (LPTGR) ha la suprastonza communal decidiu en sia seduta dils 22 da fevrer 2021 da prolunghir la zona da planisaziun ad interim per dus onns sco suonda:

Intent dalla zona da planisaziun:

- a) Examinaziun ed adattaziun dallas zonas da baghegiar (zona dil vitg, zona dil vitg engrondida, zona da habitar, zona da mistregn e da habitar) ordvart ed al cunfin da territoris surbaghegiar tenor prescripziuns digl art. 15 al. 1 e 2 dalla lescha federala davart la planisaziun dil territori (LPT) e dil plan directiv cantunal (PDChant-A) dils 20 da mars 2018.
- b) Applicaziun dallas ulteriuras prescripziuns digl art. 15 LPT e dil PDChant-A cantunal dils 20 da mars 2018, en special pertuccont promoziun d'in svilup da habitadis viers dadens e renovaziun da habitadis (PDChant-A, cefra 5.1.2, instrucziuns d'agir).

Il departament d'economia publica e fatgs socials ha cun disposiziun dils 3 da mars 2021 dau suatientscha alla prolungaziun dalla zona da planisaziun.

Ella zona da planisaziun astga vegnir exequiu nuot che engrevegia ni impedescha la planisaziun nova. Projects da construcziun astgan mo vegni lubi sche tals cunterfan buca alla planisaziun cun vigur legala, alla planisaziun prevedida ed allas directivas (art. 21 al. 2 LPTGR). Lubientschas da baghegiar ein durant il temps dalla zona da planisaziun oravontut da remetter sch'igl intent da baghegiar:

- basegna terren che sesanfla ordeifer il territori ch'ei per gronda part surbaghegius. En il suadont cass astga igl intent da baghegiar buca haver consequenzas negativas per in'eventuala dezonaziun dil terren restont (p.ex. negina parcelaziun dil territori da dezonaziun ni creaziun da largias da construcziun).

Encunter la presenta prolungaziun dalla zona da planisaziun sa vegnir recurriu enteifer 30 dis naven dalla publicaziun uffiziala tier la Regenza dil cantun Grischun (Art. 101 al. 1 LPTGR).

Sumvitg, 12-03-2021

suprastonza communal

Uffeci civil Surselva

Naschientscha

Vincenz Selina, naschida ils 2-3-2021 a Glion, affon d'Adrian e Rafaela Vincenz, se-sents a Sumvitg.

Sumvitg, 12-3-2020

Controla da habitonts

Apparat d'udida

Gliendisdis, ils 15 da mars 2021 saveis Vus schar schubergiar e rugalar Vies aparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el Puntreis, Center da sanadad a Mustér

Dunna Giger dalla firma Amplifonesignur Gfeller dalla firma Jäggi sorprendan comunabla-mein quei survetsch gratuit per tuts interessents. Ei drova negina annunzia.

Club da tennis Trun

La radunonza generala ha liug a scret Muort la situaziun actuala da Covid-19 ha la suprastonza fatg als commembers ed allas commembras la damonda da saver far la radunonza generala a scret. 31 persunas han priu posiziun e dau il consentiment da far la radunonza en quella fuorma. Proximamein tarmetta la suprastonza allas commembras ed als commembers las informaziuns necessarias sco gliesta da tractandas, rapports annuals, cedel da votar eav.

Nus engraziein per il sustegn e la capientscha.

Suprastonza Club da tennis Trun

Uniun samaritana Sumvitg-Trun

La proxima acziun da spender saung ha liug:
gliendisdis, ils 22 da mars 2021, dallas 18.30–20.30 en halla da sport a Trun.
Sin bien seveser, cunquei spender saung spendra veta!